

刑
案
匯
覽

刑案匯覽卷七

目錄

官員襲廢

詐冒襲廢甫經具稟卽行破案

濫設官吏

假捏詭名一人兼充兩處代書

大小衙門吏役酌定名數章程

衙役應照定額嚴禁濫差白役

革書捐監復入縣署干預公事

貢舉非其人

臨試託人代取舊作文稿入場

文章應試疑人傳遞輒請換題

翰林赴考試差懷挾經書詩本

赴考試差官門未啟輒行喧嚷

抄襲舊文俸中舉人復自檢舉

繙譯剽竊成文並給考譯字生

錄遺未取冒混入場竊卷改填

甥舅關切越舍參改文字

師徒赴試場內代做詩稿

臨時賄求聯號之人更改文字

倩人代作文字尚未完篇

入場之後商同換卷

代倩案內號軍傳遞索詐未成

因子赴試未邀錄取喊求攪鬧

應試生童爭論卷價糾衆打鬧

入場之後妄攻目籍挾制試官

舉用有過官吏

嚴禁省書監踞行犯加等治罪

族人考取供事病故頂名當差

冒籍入學更名考吏投効得官

已革職員希圖頂帶冒籍復捐

緣事贖罪匿不呈明輒行指監

武舉緣事斥革匿過赴京會試

額設貼寫役滿及未滿吏告退

書役冒籍冒名各照定例辦理

交結近侍官員

綠竿逆犯充當水監費綠竿弊

上言大臣德政

百姓保留上官分別情節核辦

講讀律令

頒發新例遵照章程各省翻刻

御史條奏現行例應行修改

制書有違

國服期內現任職官違例薙髮

國服百日期內和尚剃頭

國服期內職員演戲拒傷官役

國服內職員令清音吹唱待席

棄毀制書印信

疎脫徒犯偷竊印花假作迴批

跟役索要招匪撕破奏摺

武生不服傳喚扯毀縣官印票

武生摘垂縣官牌示被人踏破

官文書稽起

書吏漏辦公文日久未覆

漏辦公文按罪隱匿

提塘官與招差交帶密書稽遲

增減官文書

書吏壓擱公文私改月日

人戶以籍爲定

監糧案內官員之子不准出仕

賣身旋卽贖回應俟三代出考

漢人奴僕妄思贖身控告家長

緣坐遺犯之子只准歸人民籍

內府所屬各項人丁分別考試

連累杖罪既已援免准其考試

家奴之子長隨之子捐官

長隨之子雖有軍功不准出仕

長隨爲子捐監加捐衛千總銜

優伶轎夫朦朧捐官職

長隨捐官並令其姪日籍考試

報捐主簿之後其父曾充長隨

誣告良人係伊奴僕止律擬徒

家奴欺主無契希冀脫詞狡脫

家生奴僕欺主幼穉謀買產業

樂籍墮民不願改良依律治罪

立嫡子違法

本宗無人准繼同姓不宗爲嗣

同宗及已告逐之人均不准繼

收留迷失子女

把總收留難婦爲妾後又轉賣

收留逃婦與子爲妻尙未成婚

收留在逃婢女轉聘並非圖財

收留迷失幼女欲賣爲婢未成

檢踏災傷田糧

保甲捏添戶口冒領賑卹銀兩

兵丁私增災戶冒賑米成

盜賣田宅

砍伐販運應禁林木分別首從

協領縱令創夫伐木津貼辦參

吉林流民毋得私越卡外伐木

貴州漢奸強占苗人田產斃命

代人經管煤窰誘立字據圖占

種公主府地抗不交租不退佃

公產本已出典惡令挾勢控追

地已投充入檔輒復私行倒賣

革兵將已墾熟官地占種收租

私賣洲灘官地因奉示禁中止

新張官灘欲行盜賣未成

盜賣陸科洲地買主知情同罪

典契改作賣契投稅希冀杜絕

着墳家人盜賣伊主墳旁祭田

盜賣族中公共祖塋地旁係地

筆帖式將伊父未葬墳地盜賣

任所置買田宅

關差官員置產衙役赴京長接

擅食田園瓜果

摘取田園果蔬未償以罪人論

男女婚姻

定婚改嫁雖已生子應歸前夫
姦未婚妻復因悔婚私約同逃
過門立養未婚之妻與之行姦

典雇妻女

將妻作妹嫁賣得財糾衆搶回
將妻休賣復思再賣糾搶未得
將女賣錢串通族人私行領回
捏作姊妹賣妻平婦杖罪收贖
將妻嫁賣後又轉嫁復行搶回

妻妾次序

有妻更娶男家妾冒不追財禮

逐婿嫁女

因女被毆接回改嫁尙未成婚

因婿犯竊將女接回私行改嫁

居喪嫁娶

居喪嫁娶媒合人減首犯一等

貧難養贍強嫁姪媳致婦自盡

強姦兄妻致氏自盡駁案

居喪改嫁由母主婚酌免離異

居喪娶妻可以原情免其斷離

欲誘孀婦改嫁不從逼斃氏父

功尊勸令孀婦改嫁致令自盡

父母囚禁嫁娶

夫犯罪監禁妻因貧擅自改嫁

川案匯覽卷七日錄終

刑案匯覽卷七

官員襲蔭

詐冒襲蔭甫經
其稟即行破案

南撫 咨外結徒犯趙子厚與陣亡外委趙奇同姓
不宗因聞趙奇有補給恩請討世職無人襲蔭輒爲
姪趙名教詐冒承襲即與自行冒襲無異今甫經具
稟尚未到官承襲應將趙子厚照世職用財買囑已
經到官與趙者照乞養子冒襲發邊遠充軍例量減
一等杖一百徒三年

道光二年案

濫設官吏

似捏說名一人
兼充兩處代書

浙撫 咨沈玉堂捏名朦充撫轅代書又因貪得筆
資假捏說名兼充府代書尙無把持索詐增減及包
攬教唆情事應比照坐纒廳役一身充兩役例擬杖
八十徒二年

嘉慶二十二年案

大小衙門吏役
酌定名數章程

直督 奏繕照直隸大小衙門挂名吏役過多包差
滋擾苦累間閭經臣議立章程予以限制酌定應留
名數造立循環冊簿年終報明該管道府認真查核
具報總督衙門委員查點不准額外增添餘皆革退

編入甲甲當差並請照直省兵丁免差舊規每名止
准免地三十畝以杜影射奏奉

諭旨嗣後司道府廳衙門吏役不准過五十名由本官酌
定名數造立卯簿州縣衙門書役不准過八十名教官
佐雜衙門門斗弓兵不准過二十名由該道府酌量名
數造立循環卯簿年終彙報該管道府具報總督衙門
查點餘皆一概革退編入里甲當差俟入卯之後填造
總冊立案每名止准免地三十畝以杜包庇影射等因
欽此當經行司飭屬一體欽遵辦理茲據各該衙門

嗣後一應在官
人役於著役之
日取具年貌填
寫印簿如年至
七十卽令罷役
不許充當以杜
恃老收贖之弊
乾隆四年議獲
御史條奏通行

分別應留應革造具冊結呈送由藩臬兩司覆核詳
請覆奏_臣查吏役之設各衙門不能不用但官用之
以杖便百姓畏之如虎狼且此輩人數既多平日更
可倚仗官勢朋比爲奸無弊不滋無_不作現在通
省革去吏役註冊者二萬三千九百_名俱按名書
榜曉示以絕其復充之弊地方少一擾累之人卽於
地方少受一人之害民間多一當差之人卽如良民
均受徭役之煩所裁汰之萬人均編入里甲當差則
累民之人從減而役民之事從輕可爲地方培養元

氣不無利有裨益自此次查辦之後奏明立案永遠
遵行地方官倘敢私增吏役或棍徒冒充肆擾一經
查出官員加等議處吏役加等治罪等因道光七年
八月二十日奉

上諭那彥成奏裁汰通省挂名書役核實查辦完竣一摺
所辦認真甚屬可嘉直隸大小衙門挂名吏役過多包
差滋擾苦累閭閻前經該督奏奉諭旨酌定應留名數
造立循環冊每年終報明該督道府具報總督衙門查
點餘皆革退不准額外增添茲據奏奉嚴飭各屬將各

該衙門酌留吏役名數分別造冊具結呈送查核並委
道府丞倅分往確切查點按名寫榜出示懸挂城鄉俾
衆知曉現據冊報通省革除吏役竟有一萬三千九百
餘名之多官官相護朋比爲奸尙復成何政體且隸如
此他省諒亦不免著通諭直省各督撫一律飭查據實
裁汰按照那彥成所奏章程辦理倘於查辦後復敢額
外私增或棍豪冒充肆擾一經查出卽將該地方官嚴
叅議處吏役加等治罪此係各該督撫必當認真查辦
之事要在行之以實持之以久毋得視爲具文用副朕

衙役應照定額
嚴禁濫差白役

整剔弊端至意欽此

通行

福建道御史 奏州縣衙門白役頂充濫給牌票擾
累良民請飭嚴行裁革一摺道光十年五月初八日
奉

上諭御史士璋慶奏請裁革州縣衙門白役一摺查省州
縣額設官役原有定數即使繁要州縣事務較多不能
不量招散役備供使令然須定以限制豈容影射滋弊
擾累閭閻若如該御史所奏山東州縣差役大縣多至
一千餘名小縣亦多至數百名一省如此他省可知此

等白役遇事生風在官多一奸猾卽地方添一積竊不
惟鄉愚受其魚肉該管官亦何以稽察亟宜嚴行裁革
前次直隸省因各州縣挂名吏役過多經那彥成奏請
以八十名爲限當經降旨允准各省州縣俱應仿照辦
理著各該督撫酌量州縣之繁簡嚴定章程大加裁汰
至繁地方差役不准過八十名其餘事簡地方以次遞
減編立冊具報該省督撫責成該管官及該上司嚴
察所有白役概行禁革倘仍私自容留該管官漫無覺
察從嚴叅處如該管上司及該督撫查察仍屬有名無

實將來別經發覺必當執法嚴懲決不寬貸欽此

福建司通行

革事捐監役入
縣署干豫公事

蘇撫 奏張仁扶會充昭文縣庫書嘉慶二十一年

因派辦漕務收米過於挑剔以致紛紛上控將張仁

扶照違

制津材一百柳號兩個月並沒該犯就醫外出未經發

落二十五年恭逢

大赦援免道光五年間張仁扶以張星灿名字報捐監生

並不入署辦事惟漕書戴祥雲戶書沈添壽因不諳

文移隨時諮詢因而外人遂疑張仁扶出入縣署把持漕務以致稍有煩言今研訊實無別故查張仁扶所捐監生雖經訊無違礙各部有案惟於革卯之後因現充漕戶各書向其諮詢公事不知避嫌欲跡與干豫無異蘇省蠲吏往往以滋事被控干豫卽爲把持之漸此風亦不可長張仁扶應革去監生比照罷閑官吏在外干豫公事律杖八十可加枷號兩個月前任昭文縣審擬枷杖人犯既不隨時管押又不卽傳發落任聽託病避匿至三年之久致得援

赦邀免實屬徇庇應交部議處

道光十二年邸抄

貢舉非其人

臨試託人代取
舊作文案入場

給事中奏請禁
坊肆文海文備
文選文萃等小
本文策以杜懷
挾道光十一年
禮部通行

刊彙匯覽

湖督 奏王錫榮呈控該縣訓導王永祚曾代李定

運代文傳遞一案查李定連因縣試題目與家存王

永祚舊作文案符合懇令縣役代取入場與用財豫

倩鎔手作文傳遞者情罪有間將李定連於用財雇

倩夾帶傳遞擬軍例上量減一等杖一百徒三年許

登泮於李定連傳遞訊不知情惟託幫文案抄寫應

比照生儒懷挾文字例枷號一個月杖一百

嘉慶二十一年案

文章應試疑人
傳遞輒請換題

浙撫 奏臨海縣童生李森桂等入場應試因見有
飛鶴恐人傳題倩錦輒即稟請換題雖一經該府曉
諭卽行歸號作文交卷並非開考惟不守場規羣聚
喧嘩實屬違法應將首先邀約之文章李森桂照違
制律杖一百加枷號一個月邵第等聽從同行應照爲
從杖九十隨同附和之人再減一等杖八十認保各
廩生暫革衣頂均予開復

道光八年邸抄

翰林赴考試差
懷挾經書詩本

江蘇司 奏陳玉銘係司經局洗馬赴考試差因病
後荒工將平日所有之經書詩本裝入匣中裝固剿

嗣後鄉會試認真搜檢如有片紙隻字穢革懲辦等因道光六年山西司通行

襲惟陳玉銘以開坊翰林恭應

廷試既復懷挾經書詩本比之科場夾帶者情罪較重將陳玉銘依應試官吏人等懷挾文字當場搜出枷號一個月杖一百例上加一等擬杖六十徒一年道光二年現審案

江蘇司 道光二年四月十四日奉

硃諭翰詹科道各衙門進士出身人員國家設科取士首重翰林之選緣翰林爲清要之秩培養人材之地不可不慎也居是職者自當顧惜廉恥敦篤名義苟且倣倖

之事豈學者之所當爲卽如今歲考差真才實學者固不乏人乃竟有洗馬陳玉銘於宮廷考試膽敢懷挾詩文既經敗露豈能不按律治罪稍從末減耶若翰林等官不知自愛動輒身罹法網逮繫囹圄豈僅失朕之望乃不忍行之政也爾科甲出身者皆係刻苦自勵有志於學之人斷不可心隨境轉行與言違凡修身敬事之道克已慎獨之功以馴致乎俯仰無愧可不時加省察乎試思若陳玉銘者昇以考試之任尙可望其選拔真材秉公衡文乎授以牧民之責又能望其盡心民事奉

赴考試差宮門
未啟輒行喧嚷

公守法乎言念及此可憂可憾今而後必當激勵品行
黽勉學業三畏四勿豈不知者永矢勿忘以爲士習之
表率而國家亦可收得人之效矣爾多士其共凜之特
諭欽此 通行

吏部 奏稱道光二年四月初十日奉

上諭本日考試試差人員侍講戚人鏡洗馬陳玉銘於宮
門未啟以前先至門簷下坐候不遵侍衛約束輒肆喧
嚷經寶冲阿等奏當交御前大臣軍機大臣會同訊
問據戚人鏡供認因侍衛攔阻當向理論陳玉銘供認

未候唱名擠上臺階屬實現又查出陳玉銘有懷挾詩
文情事戚人鏡以內廷行走人員不知遵守法度輒敢
因侍衛攔阻與之爭論陳玉銘以開坊翰林於考試時
懷挾詩文其未候唱名先欲闖入尚其罪之輕者此而
不加懲創何以飭朝綱而行禁令戚人鏡著交部嚴加
議處陳玉銘著卽革職交刑部照例治罪嗣後宮內圓
明園遇有考試試差如何定立章程彈壓整飭以免別
生事端著大學士御前大臣軍機大臣妥議具奏欽此
查侍講戚人鏡以

內廷行走人員於考試試差不遵法度輒因侍衛攔阻
與之爭論欽奉

諭旨交部嚴加議處應將翰林院侍講戚人鏡照不應重
律杖八十私罪降三級調用例上加等降四級調用
毋庸查級議抵等因道光二年四月十三日奉

硃諭本日吏部議奏戚人鏡嚴加議處一摺比照不應重
杖八十私罪加等議以實降四級有意從輕希冀邀恩
降留若係編檢自必議以革職矣朕不能姑息於一人
而墮官禁成憲所有吏部堂官均著交都察院察議戚

人鏡官任翰林且在內廷行走何得不諳禮法乃於考試之日宮門未啟卽行上階坐候已屬謬妄又不遵侍衛等管束肆行喧嚷大千禁令卽著革職嗣後勿論文武各人員再遇有宮廷禁地不遵管束任意喧嚷者經該管王大臣叅奏朕必立將其人拏交刑部按律治罪若該管之侍衛章京等疎於約束或該管之王大臣等徇隱不奏一經發覺一併重處不貸將此通諭內外各衙門知之特諭欽此

江蘇司通行

抄襲舊文俾中
舉人復自檢舉

禮部 奏浙江監生徐晉錄舊俸中自行檢舉准其

仍留監生原名應試一摺奉

旨禮部議奏浙江監生徐晉抄襲舊文中式後復自行檢舉請照該撫原奏將該生註銷舉人仍留監生等語科場爲掄才大典抄錄舊文倖中者本生斥革例有專條今徐晉雖訊無徭鎗別項情弊安知非慮人告發始行自首以爲避重就輕地步且恐將來僥倖之徒得以援案檢舉尤不可不防其漸徐晉著革去舉人將監生照例一併斥革嗣後如有錄舊中式之事該部仍照定例辦理以符舊制而杜倖進欽此

道光五年禮部通行

繙譯剿竊成文
並給考譯字生

浙江舉人顧宗
伊刊刻落卷附
載譏評同考官
原批應褫革舉
人示儆道光九
年邸抄

軍機大臣 奏禮部筆帖式慶芬因王光裕等取錄
譯字生有鎗替情弊勒索不遂控告一案查慶芬所
控各款惟屬事不諳清文一款屬實其餘均不能指
實列控款內以結驛貨緣交通關節爲最重惟貨緣
一節尚與該黨定例不符關節一層亦非鄉會試科
場可比未便以此坐誣慶芬應照例擬流惟以職官
屢次索詐行同無賴應請發往新疆効力贖罪已革
禮部筆帖式廣勇訊無情鎗替情弊惟以筆帖式不諳
繙譯於入場考試時輒敢於同號中東西剽竊成文

在監肄業生倩
條例鼓摠確職
役條

錄遺未取冒混
入場竊卷改填

弊混完場應比照科場抄錄舊文倖中例卽行斥革
業經革職應請發往軍臺効力贖罪以爲弊混者戒
王光裕夏峴聽信逸犯張錫之言詭令頂名應考倖
邀取錄業經咨部將譚字生斥革應比照在監肄業
生倩替例各杖一百 道光十年卯抄

蘇撫 奏生員羅喬因鄉試錄遺未取冒充謄錄頂
名入場竊取鄰邑文生試卷一本將卷面空白補填寫
自己姓名妄思倖進訊無勾串代倩應比照生儒越
舍與人換卷例發近邊充軍 道光三年案

刑案匯覽

甥舅關切越舍
恭改文字

師徒赴試場內
代做詩案

江西撫 咨曾文炳入場患病投繳白卷追出場之
時因與樂培元甥舅關切越赴號舍探問文字優劣
樂培元將業已磨完之試卷懇伊叅改曾文炳應允
尙未動筆卽被拏獲核與越舍與人換寫文字已成
者不同將曾文炳樂培元均比照越舍與人換寫文
字擬軍例量減一等杖一百徒三年
嘉慶二十四年案
順天鄉試監臨 奏貢生唐金門入場爲伊徒岷德
代做詩案訊因師徒關切並非受賄代倩核與積慣
鎗手不同唐金門應照應試生僑用財雇倩傳遞擬

臨時酌求聯捷
之人更改文字

倩人代作文字
尚未完篇

軍例量減一等杖一百徒三年

嘉慶二十一年河南
司現審案

浙撫題鄭球因應重試臨場與認識之李德元聯

號央為講解許給洋錢倩為更改與越舍換寫文字

者有間將鄭球李德元均比照越舍與人換寫文字

擬軍例量減一等杖一百徒三年

嘉慶二十一年案

北撫咨查生黎政坤倩令逸犯劉道生代作文字

尚未完篇即被查獲事尚未成將黎政坤照越舍與

人換寫文字擬軍例量減一等杖一百徒三年

嘉慶二十一年案

入場之後商同
換卷

代倩案內號單
傳遞索詐未成

江西撫 咨彭爲政於入場後央李大觀換卷甫在
商議卽被查獲事屬未成將彭爲政李大觀均照應
試生備臨時換卷擬軍例量減一等杖一百徒三年
嘉慶二十四年案

順尹 奏送查出士子張象森代倩情弊案內號單
李雲祥當張象森囑令傳遞文字卽應立時舉首乃
藉此挾制多索銀兩設非被巡員拏獲卽作成弊端
惟事尚未成賊未入手將李雲祥照夫匠罪役人等
受財傳遞擬軍例量減一等杖一百徒三年

嘉慶十八年陝西司現審案

因子赴試未邀錄取喊求攔阻

安撫 奏吳邦蘇因子吳琪寶赴試未邀錄取卽於
棚人中喊嚷求補許進等亦隨同喊求攔阻推擁致
將牌示擠毀吳邦蘇應比依下第諸生不安義命混
行攔阻例發附近充軍許進等照爲從減一等杖一
百徒三年 嘉慶二十二年案

應試生童爭論
卷價糾眾打鬧

貴撫 咨考試生童王萬鍾因禮書向索卷銀厭貴
不給糾眾於考棚門首爭吵毆打將王萬鍾比照下
第諸生不安義命逞兇滋鬧例發附近充軍 嘉慶十
九年案

入場之後妄攻
冒籍挾制試官

浙撫 咨諸葛康等妄攻冒籍挾制官長查張學華
並非冒籍例准考試該犯等輒行妄攻情眾挾制例
無入場後挾制試官治罪明文將諸葛康比照刁徒
直入衙門挾制官吏例發近邊充軍
嘉慶二十一年
案

與用有過官吏

嚴禁省書盤踞
有犯加等治罪

陝西司 查書吏盤踞省會串結各衙門書吏需索
使費實屬大千例禁應如所奏嗣後再有省書之名
及變易其名仍辦省書之事者卽逐名拏究照所犯
之罪加一等治罪卽訊無別情亦將該省書並眷屬
遞籍管束各衙門書吏有與省書交結者亦與同罪
應令該督嚴飭所屬務使驅逐淨盡以清衙蠹

道光十一年說帖

刑部 奏周載呈控宗人府供事楊又祥倩鎗冒考

族人考取供事
病故頂名當差

冒籍入學吏名
考吏投効得官

等情查楊文祥因族弟楊煌考取供事後因病身故
輒卽頂名當差未便因其尙未補缺稍從輕縱楊文
祥卽楊煌應革退供事比照書吏更名重役例杖一
百加枷號一個月

道光十年邸抄

河撫 咨劉澈呈控石首縣知縣王翰頂名投効朦
混得官查王翰係考授八品吏員赴軍營投効得官
並非頂冒惟先經改名王綵孫冒籍入學旋以投効
補授府經捏稱王綵孫病故以致濫陞知縣多年王
翰應照官員爲事問革隱匿過名以圖選用已除授

已革職員希圖
頂帶冒籍復捐

者發近邊充軍惟節經提訊堅不供吐殊屬刁狡應
請發往伊犁當差劉澈誣告王翰死罪未決罪止擬
流加徒其誣告李化南等雇倩代鎗律應反坐軍罪
應發極邊充軍

嘉慶二十二年案

晉撫 咨軍國士前捐從九品職銜業經犯罪擬杖
斥革乃該犯希圖頂帶榮身輒敢諱罪冒籍復捐職
銜實屬濫邀名器將軍國士照斥革監生易名復捐
者照違

制治罪例擬杖一百

道光二年案

緣事贖罪匿不
呈明輒行捐監

武舉緣事斥革
匿過赴京會試

額設貼寫役滿
及未滿吏告退

提督咨送正藍旗包衣筆帖式伍靈阿因緣事革職擬徒奏准贖罪之後並不呈明前案輒以俊秀報捐監生應比照易名復捐例照違

制律杖一百鞭責發落

嘉慶二十年河南司現審案

兩撫咨武舉羅協海因調戲婦女詳革後私自進京隱匿犯事斥革情由託同鄉官出結會試揀選將羅協海照貢舉為事問革例不入選隱匿公私過名以圖選用未除授例發附近充軍

嘉慶二十年案

廣西道御史奏查各部院經承向例於五年役滿

各衙門書吏應
循例招募承充
並嚴禁索取錢
底及身後辦事
等弊道光元年
南城御史奏准
通行

卽應飭令回籍乃日久玩生近來該吏等於役滿後
大都潛留京中其回籍者不過十之一二且有因役
滿卽須回籍毋於充役將及五年之時先行具呈告
退卽可不在役滿之列又有冒入大興宛平籍貫改
名捐納徵職居然以候選爲名遂得盤踞京中內外
串通線索或說事過錢或指名撞騙或造作假偽或
幫同訛詐其弊難以悉數近年來問刑衙門審擬賊
私之案其中關涉役滿吏者不一而足卽如現在已
革刑書周載呈控宗人府供事楊文祥一案內有要

大學士九卿會議現在籍隸大宛書吏役滿卽令回籍嗣後籍隸大宛者不准充當部院書吏違者責革書吏役滿限一個月領照一個月起程回籍逾限者斥革遞籍半年不到籍斥革若來京柳貢道光十年奏准定例

證任松宇龐瑛蔡繩祖三名皆戶部捐納房役滿吏也任松宇等因被控匿不到案現經刑部奏請嚴緝臣思伊等若非自知罪戾何致無故潛逃是其被控假照一節未必盡屬無因而役滿吏之執法營私已可概見查戶部捐納房書吏二十名向係本衙門各司貼寫充補亦俟五年役滿另行更換該書吏以爲本係貼寫非經承役滿者可比遂得任意逗遛故捐納房役滿貼寫之弊較之各衙門役滿經承益無忌憚任松宇等三人卽其明證相應請

書役目錄
各照定例辦理

旨飭各部院嗣後書吏役滿隨時行知順天府五城勒限
卽回原籍其充役將及五年無故具呈告退者其爲
巧避役滿希圖逗遛之計已屬顯然一體知照督飭
回籍倘有役滿後卽改名冒入大興宛平籍貫捐納
職官應由順天府五城嚴查照例辦理至戶部捐納
房額設貼寫實與各衙門經承事同一律統於五年
役滿後飭令回籍不得在京稽留

道光十年奏准通行

江西道御史 奏稱本非大宛兩縣籍貫捏稱土著
之民地方官朦朧出結該吏及承行吏典嚴加治罪

刑部奏縣丞能
官梅曾充長隨
輒聽從故父囑
託已故懷柔縣
掇作已滿吏考
職止八品加捐
分發日濫入什
比照買求官吏
改洗文卷歷過
除授例擬軍迫
奪 詳勅席慶
四年所見集案

查此項治罪並無專條似應補出等語 查此條係

乾隆元年舊例嗣於道光十年 臣 部纂修條例時因

在京各衙門書吏業經大學士九卿會同奏准嗣後

俱不准籍隸大宛之人充當將例內本非大宛兩縣

籍貫捏稱土著之民數語改爲本係大宛籍貫捏稱

他省土著之民該管官濫准充當地方官朦朧出結

該吏及濫行保結之書吏並承行吏典分別斥革治

罪等因纂入例冊在案遇有似此案件自可查照人

戶以籍爲定及書役冒籍冒名各律例定斷所有該

御史奏請補出專條之處應毋庸議

道光十三年通行

緣坐逆犯充當
太監黃綠滋弊

交結近侍官員

湖廣司 奏林表扶顯以逆犯子嗣闕割充當內監
林表於伊戚劉碧玉託辦噶瑪蘭業戶一事雖未應
允惟容留外省奸徒在

福園門外花洞住宿私相餽送致將

大內繕單戲單被其攜回臺灣情同洩漏林顯又信惠
政織造資助伊弟林媽定盤費往來原籍以致劉碧
玉等豔羨聲勢來京請託林媽定本係逆犯林達之
子林達犯案後始將該犯繼與堂弟林琴爲嗣漏網

未經緣坐茲復來京娶妻盧氏欲爲林達立後並將
劉碧玉所與噶瑪蘭田產交林寅登探聽設法打點
並將

繕單戲單令劉碧玉帶至臺灣種和狂悖林表林顯林
媽定均應比照與內官互相交結泄漏事情貪緣作
弊律俱擬斬監候林表應請

旨卽行正法以昭炯戒林顯林媽定趕入

朝審情實辦理林寅登以現在二等侍衛與林媽定往
還並將噶瑪蘭田簿交伊設法辦理並不卽時送官

究辨轉將田簿帶回林寅登應於林媽定斬罪上減
一等擬流郎中吳春貴代林媽定稍帶家信尙無不
合其與太監林表往來寫信借馬應照違

制律杖一百業經革職應毋庸議慶琛在

圓明園當差有年與林顯熟識曾給紗料一件未經收
受三等侍衛關敏前赴揚州時林顯託帶信物並未
攜交均無不合應毋庸議徐綜觀王定棟訊無代劉
碧玉營謀情事其帶寄書信尙無不合應免置議林
表等房產查抄入官等因嘉慶二十年七月十六日

奉

旨此案林表林顯林媽定均係臺灣逆匪林達之子例應
緣坐林表林顯因年未及歲解京開割充當內監本屬
免死之犯理宜安靜守法乃喚令佻弟林媽定來京又
擅留伊戚劉碧玉在花洞居住將大內繕單戲單聽其
攜至臺灣借勢招搖林媽定漏網倖免緣坐林表等輒
爲娶妻與圖生子延後林媽定復將劉碧玉留給鳴瑪
蘭田簿託人打點種種不法林表林顯林媽定均著照
律斬監候歸人本年朝審情實辦理已革侍衛林寅登

身係職官與林表等往還並將林媽定所交囑瑪蘭田
簿據回寓所不行送官究辦僅擬杖流尙覺輕縱林寅
登著改發伊犁俟劉碧玉等解到質訊再行發遣已故
織造和明之子內務府員外郎慶琛曾給林額紗料候
補主事普琳於林媽定逝蘇州時付給銀三十兩均屬
不合慶琛著降為主事普琳著降爲筆帖式餘依議欽
此照成案錄

上言大臣德政

百姓保留上官
分別情節核辦

此律載見任官
輒自立碑條

此例載屬託公
事條

刑案彙覽

卷七

吏律職制

三

上言大臣德政

江西道御史奏稱督撫等官雖任地方百姓赴京
保留將來告之人交與該部治罪若下屬交結上官
或本官留戀授意者交該部從重治罪查此項並無
專條罪名似應補出等語查律載諸衙門官吏及
士庶人等上言宰執大臣美政才德者處斬監候宰
執大臣知情與同罪又現任官遣人妄稱已善申請
於上者杖八十受遣之人減一等又例載人附合
結黨妄豫官府之事者杖一百如有降調黜革之員

賄囑百姓保留者審實將與受官民俱照枉法贓治
罪各等語至督撫等官離任地方百姓赴京保留例
內雖無作何治罪明文然遇有似此案件儘可核其
情節重輕酌照各律例從重問擬自不必另立專條
徒滋繁冗所有該御史奏請補出罪名之處應毋庸
議

道光十三年通行

講讀律令

頒發新例遵照
章程各省翻刻

奉天司 查本部頒發刊刻纂修條例先於乾隆三十三年及四十三等年將內外各衙門應頒數目開列清單具奏聲明各省道府以下及州縣等官爲數繁多勢難概行給發應令布政使照樣刊刷轉發其奉天府尹衙門頒發一部飭令轉行翻刻頒發遵照在案今奉天府尹以該省並無布政使難照各省刊刷轉發且通計各屬僅止一府四廳十二州縣咨請給發十八部以便轉發等因查刷印律例紙張機本

工價動關錢糧雖四十八年續增卷帙無多但將來
歸併全書核計紙張工價繁多且係節次奏定章程
未便濫行給領自應敕令該省遵照舊例辦理

乾隆五十四年說帖

御史條奏現行
例應行修改

江西道御史 奏稱竊惟刑部爲刑名總匯之區關
係最重每年內外題咨各件約有數萬其間引用律
例一字寬嚴皆須悉心斟酌向設律例館提調滿漢
人員專司考核每屆五年修例一次歷時既久頗有
應行更改之處並有與各部例文互異者臣在刑部

會充律例館提調將例內應修各條逐句簽出因未屆修例之時不及呈堂更改今蒙

恩補授御史理合將所簽各條開寫清單恭呈

御覽請

旨飭交刑部將各條詳細查議辦理至比引律條及總類上次修例時未經頒發亦應一併修改於下屆修例時附入律例通行庶各省有所遵循益昭詳慎等因查_臣部律例一書廣集臣工之條議歷經

列聖之折衷固已輕重有權寬嚴得體矣惟遵行既久間有

續纂之例與原定例文稍涉參差者亦有案情變幻
出於定律定例之外者勢不能不隨時酌量變通故
向來每屆五年卽由臣部奏請開館重修一次茲據
該御史將律例內應行修改刪易者共四十一條開
列清單奏請

飭交

臣

等詳細查議辦理係爲慎重刑章起見

臣

等謹就

該御史所簽各條公同詳加確核內有原定例文未
經該備或新例與舊例互異應將原例酌加修改並
續纂爲例者十條又有例內所載官名與現在不符

及語句之間稍涉參差並無關罪名出入應俟下屆修例時再行議改者十條又有例文已屬詳明援引並無窒礙應仍循原例毋庸議改議增者二十一條謹逐條悉心酌議分別開列清單恭呈

御覽如蒙

俞允臣部通行內外問刑衙門一體查照辦理仍俟下屆修例時將議改各條酌加修改與已經修改並續纂各條一併載入例冊永遠遵行至總類一書係將律例內所載笞杖徒流軍遣並斬絞凌遲各罪名分門

別類依次編輯以備查考而比引律條亦卽附於其
後從前節經臣部校訂進呈頒行各直省在案迨嘉
慶六年以後每屆修例之時因總類無關引用且歷
久未修與現行之例多有不符是以未經一體頒發
惟究係刊布已久之書既據該御史奏請修改應俟
下屆修例完竣之後查照新定例文逐條改正刊刻
頒行以昭詳慎等因道光十三年四月十八日奉
旨依議欽此 所有清單條例俱按照門類散列各條

制書有違

國服期內現任
臧官違例薙髮

直督 奏長垣縣縣丞曹自燁違例薙髮例無專條
查乾隆十三年間奉天錦州府知府金文淳等因違
例薙髮奉

旨擬以斬立決嗣因金文淳等尙非大吏免死派修城工贖
罪完結在案今曹自燁身為職官於

國服大事並不確查典禮輒因誤聞

遺詔到日始不薙髮之語冒昧糊塗違例薙髮核與金文淳
之案情節相似未便以佐雜微員無心誤犯稍爲寬

縱將曹自輝擬斬立決恭候

聖裁其景二小係曹自輝部民於本官令其薙髮勢難理阻既經責懲應免重科等因奉

旨已革縣丞曹自輝於國服期內違例薙髮情罪重大但該犯係佐雜微員不諳禁令誤聽

遺詔到日始不薙髮之言冒昧犯法且於薙髮後仍照常出署隨同大眾哭臨以致被人揭告其爲陷於不知並非虛捏較之乾隆年間知府金文淳免死之案情尤可憫曹自輝著免其斬決發往新疆効力贖罪餘依議欽此

嘉慶二十五年案

國服百日期內
和尙剃頭

提督 咨送僧人虔誠於

國孝百日期內擅行薙髮魏二輒爲代剃應均照違

制律各杖一百 嘉慶二十五年山西司現審案

國服期內職員
演戲拒傷官役

河撫 咨于淑憲身係候選職員輒於

國服期內違禁演戲酬神迨經縣丞往查該犯以地非

該縣丞管轄喝令拒傷官役將于淑憲比照兇惡棍

徒例發極邊足四千里充軍 道光三年案

國服內職員令
清音吹唱侍席

安撫 咨濮劍係捐納翰林院待詔乃於

刑案匯覽

卷七

吏律公式

天

制書有違

百姓送與知縣
萬民衣傘擬杖
一百案載敬饗
良民條江省孫
啓祖

國服期內輒令清音優伶在家吹唱并令優伶朱玉琳

等斟酒侍席實屬妄爲應照違

制律杖一百革去職員

道光三年案

疎脫徒犯偷竄印花假作迴批

棄毀制書印信

西城吏已坊役因部票緝人畏難推諉妄思營求將票空改刷指揮審照不應並杖道光三年安徽司王侯案

刑案匯覽

卷七

吏律公式

三 棄毀制書印信

山西司 查律載棄毀官文書杖一百等語此案解役藍玉因奉派押解徒犯郝玉學致郝玉學中途脫逃該犯並不據實稟報輒敢偷竄刑房舊存護票印花粘貼回照銷差雖與詐為各衙門印信文書不同惟將官文書印信空毀即與棄毀無異該撫將該犯照盜官文書律上量減問擬未免輕縱藍玉除押解徒犯脫逃杖六十輕罪不議外應收依棄毀官文書杖一百係衙役知法犯法加一等杖六十徒一年雖

跟役索要摺匣
撕破奏摺

事犯到官在本年正月十二日

恩旨以前係衙役棄毀官文規避銷差情節較重應不准

援減 道光十一年說帖

行在刑部 奏禮部書吏朱祥雪呈稟李十兒向索摺

匣撕破奏摺一案當卽驗明摺匣蓋批破奏摺夾單

查係本月初三日

行在禮部奏

欽派大臣赴

文廟並

崇聖祠丁祭禮單內奉有

硃圈摺單俱經撕破臣等不勝詫異隨審訊李十兒因先雇給禮部主事備工跟隨進署與禮部堂書朱祥雲熟識平日彼此頑笑嗣經辭出雇與內務府員外郎兼奏事處行走之德凝家服役七月內德凝隨

圍該犯跟至熱河每隨伊主進內當差常在禮部書吏辦事房屋坐臥等候本月初一日李十兒因買有蚰蜢數對帶匣盛貯至朱祥雲辦事房內索取摺匣朱祥雲不給李十兒在屋找尋開其卷箱查看見有舊

偷佐領圖記竊
典史鈐發私行
棄毀并毀稟教
諭條記案載盜
印信條

匣一個該犯等起匣內所貯奏摺抽出欲攜摺匣而
朱祥雲不允當向奪取致將匣蓋奪落朱祥雲聲稱
李十兒手中掣的係屬官事須防扯壞該犯以舊匣
存貯之摺料無緊要賭氣將摺隨手扯破朱祥雲不
依李十兒飛空走脫朱祥雲卽呈稟咨送到部審悉
前情臣等以該犯本欲取討摺匣何以撕破奏摺且
摺單內有

硃圈該犯擅敢撕破豈不慮干重罪恐有別情復加研詰
據該犯堅供實因朱祥雲不給摺匣將匣扯壞復賭

氣將奏摺撕破一時倉皇並未開看不知內有

殊筆夾單等語質之孔旁目擊書吏丁謙供亦無異查律
載毀制書者斬監候又斷罪無正條比附加減定擬
各等語此案李十兒因向書吏朱祥雲索取摺匣不
給即在屋搜尋目開卷箱檢取已屬不合迨抽出匣
內所貯奏摺在手經朱祥雲告係官事聲明恐致扯
壞該犯輒以舊匣所貯料非緊要賭氣撕毀致內所
夾

殊圈名單一併破裂實屬不法查奏單內奉有

硃圈卽與制書無異嚴訊該犯撕毀之時並未開看不知
內有

硃筆係屬犯時不知自應比律酌減問擬李十兒應比照
棄毀制書斬監候律上量減一等杖一百流三千里
該犯於

宮門近地忿爭生事情節較重應發往黑龍江爲奴書
吏朱祥雲訊無不合應毋庸議火察之員外郎德凝
移咨吏部議處等因嘉慶十四年九月初五日奉
旨此案李十兒因向吏部書吏索取捌圓搶奪將奏摺隨

武生不服傳喚
扯毀縣官印票

武生摘棄縣官
牌示被人踏破

手撕破並不知摺單內奉有硃圈且與該書吏朱祥雲
向本熟識平日彼此頑笑亦非有心傾陷情尚可原李
十兒著免其發遣卽在熱河枷號一個月滿日遞解回
京照例杖流餘依議欽此

通行本內案

川督 咨外結徒犯內武生鄒廷彪既已連名具稟
應卽赴縣聽審輒敢不服傳喚扯毀印票應比照素
毀官文書律杖一百

嘉慶二十五年案

陝督 咨武生侯一因擅摘該縣牌示被衙役攔拿
輒將衙役手指咬傷棄牌在地致被眾人將牌踏破

將候一比照毀棄官文書律杖一百

道光三年案

官文書稽程

書吏漏辦公文
日久未覆

漏辦公文異罪
隱匿

漏辦減等案載
淹禁條

川老巨

戶部 咨送書吏懷懷書經手公文因值役滿未卽

辦理亦未囑令接于書吏趕辦以致日久未覆

卽與遺失無異韓懷書應照遺失官文書律杖七十

自行投首減一等杖六十

嘉慶二十二年直隸司
現審案

北撫 咨府書李三遲於縣詳到府時並不將卷宗

歸檔混行夾入已結卷內迨奉行催又檢查未獲懼

干究處並不稟舉抑行隱匿雖非受賄規避實屬玩

法將李正遲比照乘毀官文書律杖一百該犯延擱

提塘官由摺差
奏請憲書稽遲

不辦應再加一等擬杖六十徒一年

嘉慶二十四年
案

廣西撫 奏提塘官唐卓齡於領出應頒越南國時

憲書遲至兩月並未附寄業經奉

旨革職茲審明外委趙光得於奉差進京遞摺時提塘官

曾有囑伊攜帶憲書之詔該弁輒因臨行時匆忙未

及往取該提塘亦未送交以致憲書稽遲應將鎖光

得重責二十棍革退示警

道光十三年邸抄

增減官文書

書吏壓欄公文
私改月日

盛京刑部·奏吏部書吏王漢川聽許銀兩捏改文尾
因銀未到手將文書壓欄兩月得銀二十兩始將文
書挪改月日封發未便計贓僅擬杖責應加重照增
減官文書有所規避律擬杖一百流三千里所供親
老丁單准其查辦

嘉慶二十五年雲南司現審案

監糧案內官員
之子不准出仕

人戶以籍爲定

四川司 查律內謀反大逆及謀叛者子孫緣坐其餘緣坐各條只言子而不言孫自不在緣坐之列若子孫過房與人雖反逆猶不緣坐律載甚明至官員犯罪子嗣不准出仕係屬隨時懲創與律應緣坐者不同第子嗣與子孫律例內並無分別明文查乾隆五十九年奉

旨查辦王鳳華案內各官犯發遣子嗣經王大臣會同本部開單具奏並聲明此項因父連累各犯釋回之後

可否准其應試出仕欽奉

諭旨王賈望等各案內發遣子嗣此次得邀釋回原籍已屬格外施恩各官犯之子祇應准其充伍食糧豈得復准應考出仕又得倖邀祿籍至伊等孫曾世代已遠自可不在此例等因欽此是稱子嗣者止言其子不及其孫業已奉有

諭旨此案戴金鼎係原任知州戴如煌之孫出繼與戴城芳爲子戴如煌孫事發遣奉

旨不准出仕等因欽此恭繹

賣身旋卽贖回
應俟三代出考

諭旨只言子嗣戴如煌之子自應不准出仕該犯之孫毋
論出繼與否似不在不准出仕之列惟究無例載明
文應否准其應考之處應咨禮部自行酌量奏請辦
理嘉慶十二年說帖

廣東撫 咨贖身奴僕洪兆龍所生之子應否准與
平民一體應試咨請部示一案查例載乾隆元年以
後白契所買之人未入丁冊者准照例贖身爲民其
乾隆元年以前白契所買之人既准作爲印契仍照
例在本主戶下挑取步甲等缺俟三輩後著有勞績

安徽細民毆死
天戶應同凡論
案載良賤相毆
條別容法

本主情愿放出爲民者旗人則取具本主甘結加具
叅佐領圖結由旗咨部存案漢人則取具本主甘結
報明本籍地方官咨部存案俟部核覆准入民籍此
等旗民放出家奴只許耕作營生不許考試出仕其
放出入籍三代後所生之子孫准其與平民一例應
試出仕京官不得至京堂外官不得至三品其雖經
放出未經呈報者應俟報官存案之日起限等語此
案據該撫咨稱洪兆龍曾經伊父洪顯明賣與鄭齡
之父鄭希大爲僕旋經伊父贖出爲民娶妻生子均

在贖身以後並未受別姓家室之恩若與放出世僕
俟入籍三代後始准子孫應試似覺漫無區別應否
准其贖身為民後所生之子孫與齊民一體應試並
其子出仕應否上膺

封典一併咨請部示等因詳釋定例放出家奴必三代後
所生子孫始准考試蓋家奴身充賤役若放出後卽
與平民一體應試出仕其祖父卽得以家奴而上膺
封典不足以清流品而重名器故例以三代爲限至例內
或准照例贖身為民或俟三輩後本主情愿放出始

查收生婦女專
業生產者處女
犯姦淫驗真無
應由官媒應役
良賤不至混淆
應通行各學政
轉飭地方官凡
收生婦女不准
勒派驗姦其子
孫應准考試如
曾經傳驗姦情
跡類件作者以
報官改業為始
下逮四世方准
指考道光七年
禮部通行

准入於民籍兩項原以白契所買家奴如在元年以
前卽准作為印契故必俟三輩後始准放出為民如
在元年以後則未入丁冊故卽准照例贖身而贖身
為民句下並無一代後准其考試之語則此等旗民
放出家奴一語自係統包各項家奴而言且查八旗
家奴例文內有本主愿令贖身仍准贖身如本主不
愿概不准贖之語是家奴既經賣身必須本主情願
放出始准贖身則贖身為民者卽與放出家奴無異
不得謂係本身自行贖身卽與放出不同輒卽准其

雖係早經放出
家奴總應以報
官立案三代後
所生于孫方准
考試案載干名
犯義條江蘇張
紹華

一代後應試出仕也今洪兆龍甫經伊父將其贖身
自應照例令其報官立案核計三代後所生子孫方
准應考出仕若所生之子卽准與平民一律應試殊
與定例未符所有該撫聲稱洪兆龍贖身為民後所
生之子孫可否准其應試之處應毋庸議再查此案
雖據該撫聲稱洪兆龍贖身歸宗已屬顯然惟伊主
鄭齡屢斷屢翻尙未折服應令該撫速將此案再行
委員覆審明確按照定例妥擬報部核辦仍知照禮
部嘉慶二十二年說帖

漢人奴僕妄思
贖身控告家長

緣坐遺犯之子
只准歸入民籍

貴州司 查白契家奴分別恩養年限定擬係專指
毆故殺奴婢而言至白契家奴鋤營勢力贖身例有
專條不在分別年限之列此案劉成於上年六月帶
同妻子白契賣與張邦傑家為奴雖服役未及一年
亦未配有妻室但該犯因在主家受苦懇求贖身不
允輒敢赴坊呈控希圖官斷准贖實與鋤營勢力欺
壓贖身無異惟係漢人奴僕從無改發駐防之案應
將該犯改發烟瘴少輕地方充軍

乾隆五十四年說
帖

吉林將軍 咨大逆緣坐遺犯陳潮京所生子孫可

此同教流囚家
為條

否准人民籍一案查例載實犯大逆之子孫緣坐發
遣為奴人犯俱不准出口又習教罪在徒流以上者
查明以本犯之子為始三輩後所生子孫始准考試
報捐至習教役又從逆各犯子孫永遠不准考試報
捐各等語此案陳玉等係逆犯夏儒春案內緣坐遣
犯陳湖京到配後所生子孫該將軍以遣犯都玉在
配所生子孫都從聖等於嘉慶六年遵奉部文將都
玉在配所生子孫俱入民冊今已故遣犯陳湖京在
配所生子孫陳玉等可不照大逆緣坐都玉在配所

生子孫一體人民請示等因本部現在檢查檔案並未查出嘉慶六年據該將軍將都從聖咨請出戶成案惟查例內並無逆犯緣坐之子孫到配後所生子孫不准出戶明文陳潮京業已身故則陳玉等本係無罪之人該將軍既經據呈聲請應如所咨陳玉等准其歸人民籍再陳玉等既係大逆緣坐遣犯在配所生子孫與尋常遣犯所生子孫不同故習教各犯例內特指出本犯之子三輩後所生子孫准其考試報捐至習教復又從逆各犯則稱其子孫永遠不准

考試報捐可見凡應行緣坐本犯並本犯在配所生
子孫係一體俱不准考試報捐今陳玉等雖為無罪
之人究屬逆犯子孫與永遠不准考試報捐之例相
符陳玉等應仍照例不准考試報捐至逆犯都五所
生之子孫都從聖等入籍一案來咨內並未將都五
原籍省分聲明本部現在無從檢查應令該將軍抄
錄原案咨部備查

道光二年奉天司說帖

內務府 咨據

內府所屬各項
人丁分別考試

盛京將軍片奏查得乾隆五十二年准京刑部咨查各

開
項人丁根基分別辦理銷檔案內經

盛京內務府查報三旗所屬棉薩隨捕魚菜皮雕翎鶴
翅王多羅樹打牲及內管領所屬木丁等項人丁雖
不准入衙門食餉當差俱應考試秀才似與正身旗
人無異再三旗所屬星尼等八戶各門下人丁撥入
內務府當銀兩差徭亦應隨旗考試秀才不准食餉
當差惟開檔投充看白喇嘛蘇拜等項人丁大法寺
香火人丁並莊頭屬下壯丁似非正身旗人不應考
試秀才亦不准食餉披甲等語詳核原報人丁根基

不一有准考不准考之分請

旨勅下內務府詳查類斯各項人丁究係何項應考何項
不應考妥議章程逐一咨覆以便遵辦等因奉

硃批該衙門查核具奏欽此查 臣衙門各司各處所屬大

糧莊頭圍頭投充莊頭監戶葦戶灰軍炸軍戍軍及

鷹戶雀戶打牲戶野戶鴿鴉戶鴉鴉戶打狐戶姓丁

等親丁內有情願考試者呈明由各該處查核丁檔

內有名者方准報考照例辦理咨送考試至

盛京所屬王多羅樹三十丁如有報考者由該處咨覆

衙門轉行該旗送考其革退莊頭園頭之子孫作爲壯丁不准考試歷經辦理在案今

盛京內務府三旗所屬應准予考之棉靛鹽捕魚染皮雕翎鵝翅王多羅樹打牲木丁人等名色核與臣衙門所屬蜜戶葦戶灰軍等及各項牲丁等名色相仿似應比照准其報考應由

盛京內務府詳細酌核編立冊檔照例辦理其該處不准考試之莊頭屬下壯丁既非正身旗人應照本府所屬革退莊頭園頭子孫作爲壯丁不准報考之例

一律辦理至三旗所屬應准子考之尼尼等人戶各
門下人丁及不准考試之投充看白喇嘛蘇拜等墳
人下大法寺香火人丁等 臣衙門徧查並無類此可
以比照礙難核議應請仍由該將軍確切查明自行
酌定章程遵照辦理並將如何酌定之處咨覆 臣衙
門以備查核而免冒濫等因道光十年四月十二日
奉

旨依議欽此 奉天司傳各司遵行

連累杖罪既已
援免准其考試

蘇撫 咨王學詩自幼業儒訓蒙度日嗣因命案牽

連照申訴不實律杖一百奉准部覆行縣發落王學詩蘆圖應試呈請贖罪經縣詳辦王學詩無力設措銀兩未經湊繳旋奉二十四年正月

恩詔呈請免贖收考藩司批飭不准王學詩京控咨回審辦查該犯所犯罪名究係被人連累杖罪准其援免並免繳贖銀仍准其考試嘉慶二十五年案

家外之子長隨
之子捐官

吏部 奏送已選四川叙州府同知杜時昌交部審訊一案查長隨雇工冒捐職官律無正條本部從前辦理家奴之子余銓捐納同知一案將余銓比照隱

匠公私過名以圖選用例問擬充軍在案杜時昌係革職布政使官爾勒長隨杜七之子託繼杜兒爲嗣捐納職官雖與家奴有間究屬冒濫名器比照余銓之案量減一等將杜時昌革去職銜杖一百徒三年其代求出結之王仰源王懋昭得銀二兩四錢應照不枉法贓一兩至十兩杖七十係書吏加一等杖八十無祿人減一等仍杖七十冒濫山結之員俱交吏部查辦等因乾隆十六年十月初九日奉

旨依議欽此

通行本內案

長隨之子雖有
師功不准出仕

陝督 奏原任東城正指揮羅漢保前因伊父陝西
知州羅應庚被人風聞會充長隨奏將該員一併
革職今該革員曾在喀什噶爾軍營辦事出力可否
將羅漢保起復准其出仕應試等因道光十一年九
月初五日奏

上諭楊遇春奏請將革員羅漢保准其出仕應試等語革
員羅漢保伊父曾充長隨已經褫革即使出師勤勞祇
應楊遇春酌量給予獎賞才令其出仕應試則凡屬僕
隸人等皆得與身家清白者同登仕籍何以區別流品

長隨爲干損監
加捐衛千總銜

該督所請著不准行並傳旨申飭欽此 即抄

蘇撫 咨凌廷選係屬長隨爲子凌源凌濤捐監又
爲凌源加捐衛千總例無泊罪專條惟查乾隆三十
二年雲南省谷典史彭先係寶慶府徐以豐長隨請
革擬罪經部查乾隆十六年四川叙州府同知杜時
昌案內議稱長隨雇工冒捐職官律無正條從前辦
理家奴之子余銓捐納同知將余銓比照隱匿公私
過名以圖選用例問軍杜時昌係布政司長隨杜七
之子雖與家奴有間究屬冒濫名器比照余銓之案

量減一等將杜時昌杖一百徒三年彭先與杜時昌
情罪相同比照問徒在案是長隨輕於家奴顯而易
見此案凌源所捐衛千總係伊父凌廷選冒捐應罪
坐尊長將凌廷選比照隱匿公私過名以圖選用未
除授者充軍罪上量減一等杖一百徒三年凌源凌
濤業已罪坐其父所捐千總監生一併斥革

嘉慶二十五年案

江督 奏茅二以優伶充當長隨輒將親子捏爲故
弟所生隱扣職銜加級請

優伶
官職
輪夫
原捐

長隨捐官並令
其姪冒籍考試

封白祖及孫皆濫叨名器應比照隱匿公私過名以圖選
用未除授者發附近充軍募振功曾充轄役冒捐從
九品職銜應照違

制律杖一百

嘉慶二十五年案

陝督 奏長隨劉焜改名捐官尙未除授應比照隱
匿公私過名以圖選用未除授例發附近充軍惟該
犯以微賤妄希仕進復主令伊姪冒籍考試若僅比
例擬軍尙屬輕縱將劉焜發往黑龍江爲奴

嘉慶二十年案

報捐主簿之後
其父曾充長

誣告良人係伊
奴僕比律擬徒

江督 咨張詔鈞京控孫源湘等包漕各情訊係懷
疑所致並非平空妄告惟該犯報捐主簿之後伊父
曾充長隨究屬有玷名器張詔鈞應比照隱匿公私
過名以圖選用擬軍例量減一等杖一百徒三年
嘉慶二十一年案

蘇撫 咨外結徒犯俞金門因借貸不遂誣告馬三
連係伊舊僕之孫將俞金門比照旗下奴僕其本主
因家奴之同族少有產業誣告投充之子孫者照冒
認良人爲奴婢律擬杖一百徒三年
嘉慶二十一年案

家奴欺主無契
命與控詞救脫

家生奴僕欺主
幼懦謀買產業

戶部咨送陳溪因向伊主圖克唐阿索欠無償輒
節出言頂撞已屬不合迨被控到官稔知圖克唐阿
現無依等賣身契據復敢捏供係朋戚公莊頭備詞
狡展實屬鎖管欺壓將陳溪比照八旗家奴鑽營勢
力欺壓孤幼例發駐防為奴

嘉慶二十三年浙江司
現審案

提督咨送李國泰係瑞齡家生奴僕輒因瑞齡年

幼庸懦謀買產業肆行頂撞並將瑞齡揪拉上車實

屬欺壓圖占產業該犯並未開戶應從重比照八旗

家奴鑽營勢力欺壓孤幼例發駐防為奴妻子仍交

樂籍墮民不願
改良依律治罪

單流子孫至配
十年例准入籍
考試其有犯竊
照積匪問擬軍
流之子孫概不
准考試報捐嘉
慶二十年禮部
通行

伊主管東
嘉慶二十年福建司現審案

江西人御史
奏稱各省樂籍及浙省墮民丐戶俱
令改業為良土京地棍逼勒陵辱及自甘汚賤者依
律治罪等語查此項人犯並無專條似應查例酌定
等語 查此條例文原附於人戶以籍為定律文之
下其所稱依律治罪自係即指本律內變亂臟籍及
詐冒等項而言定律已屬詳明援引無虞錯誤所有
該御史奏請查例酌定之處應毋庸議
道光十三年
通行

立嫡子違法

本宗無人准繼
同姓不宗爲嗣

四川司 審擬李四毆傷毛卜兒越十六日因風身
死一案將李四依例擬流訊明該犯父故母嫁自幼
抱養與同姓不宗李雙懷之妻李劉氏爲嗣聲請留
養並以該司並無辦過成案繕具說帖呈

堂交館職等查例載軍流遣犯獨子留養之案若該犯

抱養義子無故
毋庸歸宗犯罪
存留養親條東
省王延奉案

之兄弟與姪出繼所後之家無可另繼之人及本犯
所後之家無可另繼者准其留養又律載乞養異姓
義子以亂宗族者杖六十其子歸宗又例載無丁者

奴僕乞養良人
為義子係以良
為義應同凡論
兼祧奴婢歐家
長條奉天嘗陳
氏

許令同宗昭穆相當之姪承繼先儘同父周親次及
大功小功總麻如俱無方許擇其逆房及同姓為嗣
等語此案流犯李四現年四十一歲自幼抱養與同
姓不宗李雙懷之妻劉氏為嗣撫養已及四十年實
屬恩養年久現經該司訊明李劉氏現年七十一歲
別無同宗支派可繼職等詳釋例意如無同父周親
及功總族屬許擇立逆房及同姓為嗣所謂同姓者
則同姓不同宗者亦是誠以同姓雖非的系尚無亂
宗之嫌故例准同姓為嗣同姓之子既准繼

為嗣似即不在不准留養之例此等案情應否留養
定例雖未指明衡情而論似尚可准其留養

道光七年現審案說帖

同宗及已告逐
之人均不准繼

欽差刑部侍郎 審奏直隸獻縣民婦李王氏具控李嗣

業冒宗竊產等情一案緣李王氏係李會白之妻李

會白素務農業家道稍裕娶妻李氏嗣因年老無子

即立伊胞兄李能白次子李玉振為嗣後李會白因

玉振不務正業恐日後蕩費財產不願玉振為嗣在

縣具呈告逐另繼同姓李自潔之第四子李嗣業為

子李嗣業過繼之後讀書入學素爲會白所愛令隨
李氏同院居住母子相稱王氏自此心懷嫉妬彼此
不睦迨會白病故惟時玉振已死王氏欲將玉振之
子龍兒爲承重孫以嗣業係同姓不宗不准成服遂
互相呈控除李王氏等誣告行賄事情分別坐誣收
贖外查李龍兒係玉振之子但玉振不得於所後之
親曾經會白當堂告送龍兒未便復爲其孫應照例
歸宗李嗣業雖係會白在日過繼但查同宗李嗣業
卑失序者律內尚有歸宗改立之條今李嗣業既訊

明同姓不宗並無昭穆未便仍立爲嗣應將李嗣業亦照律歸宗李龍見旣不得爲會白之孫所有兩次斷給房地應照數追還李嗣業旣不得爲會白之子據供會白遺資捐布政司理問職銜應咨部註銷所捐

封典照例追繳查李會白服內姪輩三人均係獨子並無昭穆相當應繼之姪應將會白已故胞姪師尹作爲繼子其子元良承繼爲孫以接宗祧如此則直屬親支許端可以永杜所有李會白家產應令地方官查

明確數並定出龍見房地一併給與元良管業王氏
李氏均令聽聽未經詳查宗派錯斷家產之州縣交
部議處

乾隆三十九年通行本內案

收留迷失子女

把總收留難婦
為妾後又轉賣

此新例載縱軍
擄掠條

軍興之際良民
收留衝散婦女
與姦卹無異毋
庸治罪嘉慶五
年所見集湖北
賈文青案

河撫 咨高占魁收留難婦劉楊氏等為妾族即嫁
賣一案查律載收留良人迷失子女賣為妻妾者杖
九十徒二年半其自收留為妻妾者罪亦如之又上
年奏定新例出征官員兵丁攜帶迷失良民子女照
收留迷失子女律治罪各等語此案已革把總高占
魁始則收留難婦劉楊氏岳李氏作妾繼因岳李氏
不安於室將其嫁賣與人為妾按新例應照收留迷
失子女律治罪收留迷失子女賣為妻妾與白為妻

收留逃婦與子
為妾尚未成婚

收留在逃婢女
轉聘並非圖利

妾均罪止杖九十徒二年半二罪俱發應從一科斷

該省將該單并照律擬徒與例相符惟原咨內並未

查新例自應於彙尾內添叙明晰

嘉慶二十年議帖

中城察院 移送方三因汪徐氏黑夜找人即起意

收留欲與伊子為妻實屬收留在逃子女惟尚未成

婚應將方三依收留在逃子女為妻妾子孫者杖八

十徒二年律王減一等杖七十徒一年半汪徐氏應

於方三罪上減一等杖六十徒一年

道光二年雲南
司現審案

提督 咨送王忠於使女玉鳳逃往伊家憐其兩腿

收留迷失幼女
欲賣為婢未成

帶傷收留轉聘並非圖得財禮第係沿途使女轉行

收留應依在逃奴婢而賣減良人一等杖七十徒一

年半律上量減一等杖六十徒一年

嘉慶十九年陝西司現審案

提督咨送劉大收留迷失幼女雙姐欲行嫁賣為

婢正欲尋媒嫁賣即被拏獲將劉大依收留迷失子

女不送官司而賣為奴婢滿徒律上量減一等杖九

十徒二年半

嘉慶十八年陝西司現審案

檢踏災傷田糧

保甲捏添戶口
冒領賑卹銀兩

兵丁私增災戶
冒賑未成

山東臬司 奏已革保正李林幫辦編查保甲輒乘
該縣患病起意舞弊將該莊病故逃亡一百九十二
戶仍造入冊內並添捏詭名一百七十戶虛票於初
賑二賑冒領銀一百九十二兩若依冒支官糧入已
軍已逃故不行扣除照常人盈倉庫錢糧論並部內
遇有災傷里長甲首朦混供報害民均罪止擬徒應
比照詐欺官私取財律擬杖一百流三千里
盛京將軍 奏已革兵丁哈付那捏寫說帖誣取災冊

嘉慶二年案

廣州府承辦災
務於勸捐已有
成數因恐支用
不敷輒聽信紳
士仿照佛山鎮
派捐鋪租成案
令省城各捐一
月鋪租以致不
洽輿情審照不
應重杖交部議
處道光十四年
邸抄

私行添改戶口二千餘口並領催周繼德奉委辦理
災冊添改戶口五百餘口均係圖冒賑米尚未關領
入已旋即破案查因災冒則未經得財例無專條將
哈什那等均比照竊盜倉貯漕糧未經得財爲首滿
徒上酌加一等杖一百流二十里係旗人發駐防當
差嘉慶二十四年案

盜賣田宅

砍伐販運應禁
林木分別首從

奉天司 查此案姜玉中干文寬鄂自明均受雇與
領票刨夫馬篤義刨參馬篤義令該犯等隨同把頭
王成赴依蘭溝刨採參枝未獲王成起意在山內砍
伐楮榆輜木許給工價該犯等允從在山搭蓋窩棚
姜玉中赴高麗背地方踴場砍得楮榆樹兩顆旋聞
不准在禁山砍伐中止正欲出山即被拏獲該省以
高麗背係屬禁山該犯姜玉中雖係聽從王成而
王成現已潛逃且該犯砍有木植未便以為從論將

姜玉中照軍民人等擅自入山將應禁林木砍伐已
得例擬軍于文寬鄂自明聽從已行未得依砍伐應
禁林木未得例擬徒該司以姜玉中等聽從王成囑
令趕山砍木酌給工價自應照爲從科斷將姜玉中
改依爲從於軍罪上減等擬徒洵屬允協應請照辦
案內現獲之犯多於逸犯供證既確毋庸監候待質
至于文寬鄂自明均係聽從王成同姜玉中砍伐則
木雖砍伐未得既坐起意之王成以爲首之罪則該
犯等同一爲從自亦應於王成應得軍罪上減徒未

便照該省原擬將該二犯依砍伐未得例科斷亦未
便照該司所議將該二犯於姜玉中滿徒罪上減等
擬杖九十徒二年半應請交司更正至夏安一犯止
於檢看扔棄輜木並未砍伐禁不若竟擬城旦未免
法重情輕該司將該犯改依遲

制律擬以滿杖尙屬允當應請照辦

道光七年說帖

吉林將軍 咨茹泳太等私入圍場賦運木植一案
此案茹泳太因在逃之高勇得曾在渾春所屬花樹
嘴子地方砍得鐵木車輞數百塊藏放在山崗未售

查銅塘山界連
三省久奉封禁
夏密慈輒敢潛
入山內砍木燒
炭賣錢應比照
近邊民人將應
禁林木砍賣已
得創擬軍嘉慶
二十年江西省
案

賣該犯起意販賣向其議定價錢該犯即雇姜全劉
泳得趙洪太李銀等帶同工人趙鳳等繞卡入山默
載旋被拏獲該將軍以為首偷砍木植之窩將得在
逃未獲將茹泳太照近邊軍民人等擅自入山將應
禁林木砍伐販賣已得者軍罪例上減等擬以滿徒
姜全劉泳得等知情受雇帶同工人趙鳳等入山默
運於茹泳太滿徒上減一等杖九十徒二年半趙鳳
等擬杖八十經該司以姜全劉泳得二犯僅止知情
受雇並非同夥販運將姜全劉泳得改照連

協領縱令創夫
伐木津貼辦參

制律杖一百等因查姜全劉泳得雖非與高勇得及茹
泳太同夥惟知情受雇幫同工人趙鳳等入山獸運
木植該將軍將該犯等於爲從之茹泳太滿徒上減
一等擬杖九十徒二年半尙屬允協該司將該二犯
改擬滿杖核與傭工之趙鳳等所得杖罪無其區別
況當嚴懲私入圍場伐木之時未便輕縱應請仍照
該將軍原擬辦理

道光七年奉天司說帖

吉林將軍 奏審明協領舒隆阿等虧空庫銀那移
俸餉及楊義酥等砍伐禁樹等情一案查創載近邊

分守武職并府州縣官員禁約該軍民人等不許擅
自入山將應禁林木砍伐販賣若砍伐已得者問發
雲貴兩廣烟瘴稍輕地方充軍等語此指軍民人等
私自砍伐應禁林木而言若應禁林木官員不爲禁
約輒聽令人夫砍伐卽與私自擅伐不同貴有攸歸
自不得將伐樹者遽擬重議此案管理參務之協領
常在等先以該處創夫空多艱難在山林砍樹滋生
黑茶散給腰牌秋間收錢七八百吊幫辦參票協
領舒隆阿托精阿同辦參務散票拮据因前次砍樹

檢菜之人仍扣山中總辦淨盡後回明副都統扎垣
保仍照協領常在等所辦收取黑菜錢文設立攤頭
楊義甯楊玉成甯士義劉通儒四名均發給腰牌收
錢一千吊津貼公用查參性肯陽向陰藉樹陰滋長
該處林木固不得擅自砍伐惟楊義甯等砍伐該處
樹木滋生黑菜係由該協領等常在收取錢文給發
腰牌任聽砍伐於前舒隆阿又設立攤頭踵行於後
並非楊義甯等指自砍伐罪坐所由其實在協領
該犯等聽從砍伐自應酌量分別懲辦若如該將軍

等所擬將該犯楊義酥等均以各自砍伐禁樹擬軍
是官收其利而民獲其咎揆之情法實未平允目應
駁令另擬其餘所擬尙屬允協似可照覆

道光五年奉天司說帖

吉林流民毋得
私越卡外伐木

吉林將軍 奏卡外流民搬移卡倫以內催令依限
盡淨嗣後如有一人私越卡倫以外拏獲到日照私
入禁山偷砍樹 例治罪發遣等因道光六年十二
月初一日奉

上諭富俊奏流民搬移淨盡 摺吉林潛住流民前已有

六百餘戶陸續遷移分散居住茲據該將軍奏舒蘭等六處流民三百餘戶亦已依限全行搬進卡倫以內著該將軍飭令該處各卡倫官隨時嚴查按三個月更換時互相稽查各出具卡倫外並無一戶流民居住甘結以備查核仍按季派協領等官往查如敢陽奉陰違卽行嚴叅治罪並著出示曉諭軍民人等以後如有私越卡倫以外者立即拏獲懲辦毋稍寬貸該將軍仍隨時密加訪查每屆年終據實具奏一次所有歷任失察流民潛住之將軍副都統等著該部分別在任久暫照例

議處摺併發欽此 奉天司案

貴州漢奸強占
苗人田產釀命

貴州司 查例載兇惡棍徒無故擾害良人確有實
據者發極邊足四千里安置又律載冒認他人田宅
作自己者田一畝笞五十每五畝加一等罪止杖八
十徒二年係官田加二等若強占官民山場不計畝
數杖一百流三千里各等語是冒認他人田畝及強
占官民山場俱有治罪明文至漢奸土霸強占苗民
田畝致釀人命例無作何辦理專條茲據該撫奏稱
該省安順府鎮寧州鄉約李洲強占官田驅逐佃戶

致被逐苗人王保等失業不甘毆傷郭添品等身死
將李洲比照棍徒擾害良民例擬軍聲明歸於王保
等命案內具題並請嗣後黔省如有強占官民田產
致苗人失業釀命之案均仍援照辦理等因係屬嚴
懲漢奸慎重苗疆起見應如所奏嗣後黔省漢民如
有強占苗人田產致令失業釀命之案俱照棍徒擾
害例問擬其未經釀命者仍照常例科斷如蒙

俞允

臣部咨行該撫遵照辦理其李洲一犯現據該撫歸

於王保等命案內具題到部

臣部另行核覆再該撫

奏稱屯田莊田土另立官莊戶名仍給原佃各苗人
承種該苗人現已通曉漢語應令自行赴倉納租其
李洲家每年私收腳費穀石白伊祖李應貴相沿至
今歷年久遠免其追繳等語均應如所奏完結該撫
又稱嗣後應令各苗人將腳穀一併還官由該州添
設孤貧按年造冊報銷至該處田土現據委員丈勘
較前寬展惟係山頭地角肥磽不等核算增穀無幾
且墾種頗費工本應均免其加租俾苗人生計稍裕
以示體卹其前署鎮軍川事仁懷縣知縣饒繼崇與

代人經營煤窖
誘立字據圖占

安順府知府經武階未經查明田屬官莊率行斷歸
李洲管理均屬錯誤請交部議處等語應移咨吏戶
二部照例辦理

道光十二年說帖

順尹 咨張泳存因開煤窖之李陞素有瘋病託伊
經營煤窖該犯以在窖辦事並無憑據詎令李陞立
給送審字據復私改合同誘令審夥張天錫等盡押
以作霸窖憑據殊屬刁詐惟該犯經營煤窖原係李
陞囑託且李陞實有寫給送審字據似與倚恃勢力
強占者有間張泳存應照強占山場擬流律量減一

等杖一百徒三年

嘉慶二十二年安嶽司現審案

直督 咨安其所佃種公主府之地係奉

種公主府地抗
不交租不退佃

旨賞給公主府爲業卽屬官田經沈守押令退地交租乃
膽敢乘間脫逃屢次抗傳不到數年以來竟將地畝
霸爲己業並不交租復阻止眾佃不許交納以致眾
皆觀望計地九十九畝應比照占種屯田五十畝以
上不納子粒者發近邊充軍

嘉慶三十五年案

欽派王大臣 奏包衣高君錫本係富增額各房公用之人

公產本已出典
恣令挾勢撓迫

因奉查地畝明知五房富增額之莊頭私行出典該

地已投充入檔
輒復私行價賣

犯輒慫恿七房奉國將軍明嵩出名控追卽與將他人田產朦朧投獻勢要無異惟究係伊家主祖業較他人田產有間將高君錫比照將他人田產朦朧投獻勢要者杖一百徒三年律量減一等杖九十徒二年半雖年逾七十不准收贖

嘉慶二十四年奉天司
兒辨案

順尹 咨內務府渣軍佟五既已將地投充入檔卽

同官產不准私相盜典乃佟五始而借給建房繼復

捏稱民地價賣應比照盜賣他人田一畝笞五十係

官者加二等律科斷

嘉慶二十二年安徽司現審案

軍兵將已墾熟
官地占種收租

私賣洲灘官地
因奉示禁中止

浙撫 咨革兵黃添榮明知坦塘係封禁官地輒敢
恃強占據召佃收租惟該地先經該犯之故祖故叔
私墾成熟並非該犯首先占墾未便遽照強占官山
律擬流黃添榮應照強占官山不計畝數擬流律量
減一等滿徒係革兵照例加一等擬杖一百流二千
里 道光三年案

江督 咨卡儀輝將洲灘地畝得價盜賣復遮拾妄
捏惟一經該縣示禁即行中止不敢復行占賣究與
恃強久占者有間卡儀輝應照強占官民山場擬流

新派官游欲行
盜賣未成

盜賣陸利洲地
買主知情同罪

律量減一等杖一百徒三年 嘉慶二十一年案

蘇撫題陳富山將新漲沙灘指為伊等舊業並無
契據赴縣報陞未准輒行價買第其價賣之時此灘
已應入官充公尙未勘定應照強占官民蘆蕩擬流
律量減一等杖一百徒三年 嘉慶二十五年案

蘇撫咨徐寶舟等明知胡覺文盜賣祖遺報明陞
科洲地負利故買雖例無買主知情治罪明文惟查
重複典賣田宅其典買之人知情與犯人同罪則盜
賣亦應一律科斷應按所買地畝數目照盜賣律治

典契改作賣契
投稅希冀杜絕

罪 嘉慶二十三年案

戶部 咨送周廷幅因貪王朝佐未經絕賣之地冒
欺卽仿照原典契另行謄寫添捏無力回贖聽憑投
稅字樣混行投稅希圖杜絕回贖卽與冒認田畝虛
錢實契無異惟王朝佐之地實係伊家先行承典並
非平空捏造全行冒認周廷幅應於冒認他人田宅
虛錢實契典買罪止杖八十徒二年律量減一等擬
杖七十徒一年半

嘉慶二十二年 欽司現審案

看墳家人盜賣
伊主墳旁祭田

宗人府 咨送屈進喜係宗室吉勒章阿看墳家人

盜賣族中公共
祖塋墳旁餘地

筆帖式將伊父
未葬墳地盜賣

刑案匯覽

輒將伊主墳旁祭田二十五畝盜出得價惟例無家

人盜典主人墳地治罪明文將屈進喜比照子孫盜

典祖塋祀產不及五十畝按盜賣官田律擬杖六十

徒一年
道光二年貴州司現審案

內務府 咨慶瑞因貪將伊族中公共祖塋旁餘地

盜賣得錢計贓三十五兩應比照子孫盜賣墳塋房

屋碑石計贓准竊盜加一等例擬杖一百

嘉慶二十五年貴州司現審案

提督 咨送已革筆帖式翁臨誣告汪本申占產場

卷七

戶律田宅

盜賣田宅

盜賣田宅

毆復違例戴用五品頂戴按律罪止杖責惟該革員
將伊父博興自置墳塋地二頃十畝私自盜賣雖伊
父尚未安葬與祖宗墳山有間而例內盜賣祀產五
十畝卽與盜賣墳山一例擬軍則翁臨盜賣伊父未
葬之塋地其情較重於祀產計數已在五十畝以上
應比依子孫盜賣祖遺祀產五十畝照捏賣祖墳山
地例發邊遠充軍該革員屢次滋事圖利忘親應請
發往烏魯木齊効力贖罪

道光二年浙江司現審案

任所置買田宅

閩差官員置產
衙役赴京長接

江西道御史 奏稱各關出差官員攜帶家眷多隨
奴僕任所置優買妾任滿回部未經考核擅買田莊
市宅生息放債交該部治罪衙役人等私自赴京長
接及缺額積口題請展限者亦交該部治罪等語查
各例均無專條罪名似應酌定等語 查此條例文
係因慮恐各關出差官員侵盜那移稅課錢糧而設
遇有似此案件自應究明有無侵盜那移情弊臨時
分別從重科斷若必豫定罪名轉恐徒滋窒礙所有

該御史奏請酌定之處應毋庸議

道光十三年通行

擅食田園瓜果

摘取田園果菜
未便以罪人論

江西撫 題鄧玉書毆死溫水子一案奉

諭或照鬪殺或改擅殺交館查明盡一辦理等因遵查
本年五月內河南省題趙文科因程壬午摘取張大
元地內柿果理斤不服趙文科近前解勸被罵氣忿
踢傷程壬午身死一案聲明程壬午於白日曠野摘
取柿果數枚非竊盜可比將趙文科依鬪殺擬絞又
陝西省題武小孟因劉仰兒等摘伊地內豆角踢傷
劉仰兒身死一案將武小孟依擅殺擬絞均經照覆

在案此二案雖均係摘取田野蔬果被毆身死但細核案情程壬午係路過隨手摘取柿果數枚非竊盜可比是以照毆殺定擬至劉仰見商同劉法兒等偷摘豆角或用口袋或用錢袋裝盛實屬竊盜是以照罪人定擬情有不同故引律亦異尙非辦理參差今溫水子年甫十三因路經鄧玉書梨園摘梨三個經鄧玉書喝罵卽行拋棄鄧玉書拉送溫帶庭處治溫水子舉耙向毆鄧玉書回毆致斃該撫聲稱溫水子摘取園梨係屬童穉無知未便以罪人科斷將鄧玉

書依國設律定擬核與趙文科之案情事相同似可
照覆

乾隆五十七年說帖

男女婚姻

定婚改嫁雖已
在于應歸前夫

陝西司 查例載夫逃亡三年不還者聽經官告給
執照別行改嫁不追財禮又律載若再許他人已成
婚者杖八十後定娶者知情與同罪財禮入官不知
者不坐追還財禮女歸前夫前夫不願者倍追財禮
給還其女仍從後夫名等語是官給執照別行改嫁
之例係專指逃亡不還者而言若係在外貿易訪親
確有定處雖婚嫁偶致愆期而恩義豈能遽絕如有
再許他人之事自有女歸前夫之條至倍追財禮亦

因前夫不願完娶而設豈能官爲強斷此案王運聘
定屈全經之女與子王杜兒爲娶嘉慶二十三年王
杜兒前赴哈密營生曾於次年寄信回家道光七年
間屈全經之妻梁氏控縣訊明照去逃亡三年不還
之例斷令屈全經將女別嫁屈全經卽將女另許王
萬春爲妻接娶成婚王運不甘屢控復經該府訊明
照律將屈氏斷歸前夫王杜兒完娶因屈氏業已懷
孕飭俟分娩後再交王杜兒領回嗣據王萬春供稱
居以生子乳哺數月母子實在難離等語該撫以有

將屈氏斷歸前夫顯係一女再離倘該氏堅守從一之義別生事端似屬可憫律無明文咨請部示等因查屈氏經王運憑媒聘定爲媳其子王杜兒在其伯祖房習藝有信寄家迴非逃亡可比屈全經卽欲催娶不過令王運信囑其子回歸何致遽行控官乃經官錯斷許令另嫁一月之間卽經王萬春迎娶過門顯係豫先商謀王運所控王萬春謀買伊媳已非無因且王運赴司具控批府訊明照律更正因王萬春供稱屈氏懷孕飭縣查明俟產後卽交王杜兒成婚

民人婚娶蒙古
婦女爲妻有犯
仍按夫妻服制
辦理未載妻妾
毆夫條

其年月原咨雖未叙明惟查王運赴院復控係九年
三月其時批道委員查訊仍照府斷發縣確查勒令
交人乃王萬春仍抗不遵斷直至入月王運復控始
據該縣查明屈氏懷孕甫經五月至十一月二十八
日產生一子案據明白是該府斷結之日及王運復
控之時屈氏尙未懷孕其爲王萬春託詞延宕該縣
徇情扶捏必欲俟屈氏懷孕生子始以母子難捨等
詞巧遂其占奪之計尤屬顯然似此武舉抗違官斷
魚肉鄉民即使從前定娶之罪可原而其事後捏

民人娶費羅之
友爲妻擬杖嘉
慶二十三年浙
江司王老兒現
審案

之罪難恕乃該撫並不詳究確情恪遵定律聊含
府之正辦仍照該縣之謬斷豈非一誤再誤若聞婦
女以名節爲重恐屈氏別滋事端殊不思屈氏既甘
從再婚之亂命豈取懟斷離之成法必欲以此爲解
則凡律時所載離異之條皆成虛設該省委員既謂
屈氏爲失節之婦又恐屈氏守從一之義亦屬自相
矛盾至該縣錯斷於前節經飭查又不即時據實詳
覆亦難保無受囑扶捏情事未便遽咨吏部議處應
令該撫遴委賢員研訊確情秉公審斷咨部核辦

道光十年說帖

姦未婚妻復因
悔婚私約同逃

過門童養未婚
之妻與之行姦

提督 咨送張雪兒聘定趙氏之女二姐為妻乃於
 未過門之前私下通姦迨趙氏將二姐另配又復相
 約私逃律無未婚之妻同逃治罪明文即比照女家
 悔盟另許男家不告官司而強搶例亦罪止擬笞張
 雪兒賈二姐應仍照男女定婚未曾過門私下通姦
 比依子孫違犯教令律杖一百

道光二年廣西司現
審案

提督 咨送胡六五見聘定戴張氏之女姐兒為妻
 過門童養該犯輒與姐兒行姦惟姐兒究係已經過

門童養與未經過門者有間將胡六五兒依男女定
婚未曾過門私下通姦比依子孫違犯教令杖一百
律酌減一等擬杖九十

道光二年廣東司理審案

典歷妻女

將妻作妹嫁賣
得財糾眾搶回

山東司 查例載將妻妾作姊妹嫁賣與人騙財後聚眾行兇邀搶人財者除實犯死罪外餘俱發近邊充軍等語此案姜興價買武發起之妹武氏爲妻後因貧復將武氏捏作伊妹轉賣與張範爲妻曾向武氏言明過門後乘機拐回嗣因無隙可乘起意強搶邀允白天章等一共七人夤夜前往將武氏搶去並拒傷張範職等查姜興係將妻捏作伊妹嫁賣與人得財後復糾眾搶回與聚眾夥謀於素無瓜葛之家

入室搶奪婦女罪應斬決者不同該省將妻與依將
妻妾作姊妹嫁賣與人騙財後聚眾邀搶人財者發
近邊充軍例上加拒捕罪二等發極邊四千里充軍
與例相符該司以該犯情節較重改擬不准留養亦
屬允協似可照辦

嘉慶十五年說帖

將妻休賣復思
再賣糾搶未得

盛京刑部 題奉 中揆毆傷李富潤身死一案查例載
將妻嫁賣與人作妻妾騙財後聚眾邀搶人財者發
近邊充軍又聚眾夥謀入室搶奪婦女一經搶獲出
門即屬已成爲首斬決爲從絞候若圖搶入室未將

婦女搶獲首犯絞候爲從發極邊烟瘴充軍各等語
是聚眾夥謀搶奪婦女例內分別已成未成科罪至
將妻賣與人作妻騙財後聚眾邀搶例內雖無分別
已成未成明文惟未經搶獲究與已成者有間自應
查照夥搶婦女之例分別已成未成科斷以示平允
此案金榮因無力養贍將妻張氏休賣與董世彬爲
妻收川財禮後復起意將張氏搶回另行嫁賣邀同
李中揆等往搶未經搶獲經李富潤勸解李中揆將
李富潤毆傷致死查金榮如果將張氏搶獲自應照

例擬軍今搶而未成若一例擬軍似覺無所區別該
省將該犯量減一等利斷尙屬允協至張氏既經伊
夫金榮休賣與董世彬爲妻律應離異歸宗該省將
張氏斷與伊兄張元春收領固屬按律辦理惟查張
元春亦係知情賣休之人若給其領回勢必再行改
嫁徒使張氏屢易其夫情殊可憫自應衡情斷給董
世彬完聚應請交司照改

嘉慶十七年奉天司說帖

將女賣錢串通
族人私行領回

貴州司 審擬楊三陽喊告伊妻王氏逃走等情一

案查例載將親女嫁賣與人作妾騙財之後設詞託

故公然領去者照誑騙例治罪又律載誑騙人財物者計贓准竊盜論又例載和誘知情爲首者發極邊足四千里充軍爲從減等滿徒各等語是和誘知情爲首罪應擬軍之例係專指誘拐他人子女而言若將女嫁賣後又設詞領去自有誑騙治罪專條不得與平人和誘科斷此案王五將伊女王氏賣與楊三陽爲妾得受身價京錢二百五十千嗣王五起意串同楊三陽族姪楊鎖佳兒私將王氏領出交與李三寶姦李三因被楊三陽訪獲乘間帶同王氏潛逃查

王五既將伊女王氏嫁賣與楊三陽作妾得受身價
錢文復敢串同楊鎖住兒私自將伊女領出交與李
三賣姦例應照誑騙治罪王五所得京錢二百五十
千計贓罪應滿流楊鎖住兒與王氏並無服制其聽
從領同王氏交與王五係屬平人誘拐爲從自應各
科各罪今該司將該犯照和誘知情爲首單罪上量
減擬徒與例不符王五應改依將女賣與人姦妻贖
財後設詞託故公然領去者照誑騙計贓治罪楊鎖
住兒依和誘爲從減等滿徒

嘉慶十八年說帖

捏作姊妹賣妻
本婦杖罪收贖

將妻嫁賣後又
轉嫁復行搶回

陝督題趙成都因貧捏以已身故託人將妻徐氏嫁賣經郭寬契買作妻嗣趙成都屢往索錢郭寬將其謀殺將徐氏依賣休律滿杖的決本部以賣休之律係指和娶人妻而言本夫本婦買主應一體治罪若捏本夫已故將妻妾嫁賣後夫不知情並不坐罪本婦亦止杖八十應將徐氏改照將妻作姊妹嫁人律杖八十並非犯姦照例收贖

嘉慶十九年案

北撫咨李懷志將妻范氏捏作為妹改嫁廖志德為媳嗣廖志德因于身故將媳改嫁與陳錫德為妻

李懷志捏稱被拐向索錢文復起意糾眾搶回希圖
勒贖將李懷志照將妻作姊妹嫁人聚眾邀搶例發
近邊充軍

嘉慶十八年案

妻妾失序

有妻更娶男家
妾冒不追財禮

妻死將妾作妻
案載奴婢毆家
長條

承祧兩房各為
娶妻後娶之妻
作妾論案載妻
妾毆夫條

刑案彙編

直隸司 查律載有妻更娶妻者杖九十後娶之妻
離異歸宗又男女為婚而男家妾冒者不追財禮各
等語今侯泳幅已在原籍娶妻來京後復捏稱未娶
憑媒仕二等用財禮錢十千文聘娶朱氏為妻朱氏
之母索氏等並不知情是此案違律為婚係由侯泳
幅妾冒詐欺所致核與男家妾冒不追財禮之律相
符自應照律毋庸著追該司遵

諭將仍追財禮入官一節刪去似屬允當

乾隆五十四
年說帖

卷七

戶律婚姻

旨

妻妾失序

逐婿嫁女

因女被毆接回
改嫁但未成婚

南城察院 移送張大因伊女張氏常被其夫傅保
打罵卽起意將張氏接回欲行改嫁尙未成婚將張
大依逐婿嫁女杖一百未成婚減五等律擬笞五十
嘉慶二十四年湖廣司現審案

因婿犯竊將女
接回私行改嫁

東撫 題趙諤子毆死王四案內之劉松因伊婿王
振犯竊將女劉氏接回私行主婚改嫁將劉松照逐
婿嫁女律擬杖一百 道光二年案

居喪嫁娶

居喪嫁娶媒合
人減首犯一等

江蘇司 查律載居夫喪而嫁者杖一百知而共爲
婚姻者減五等不知者不坐又嫁娶違律媒人知情
者減犯人罪一等輯註云媒人無一定之罪知情者
照犯人爲首者減一等各等語今朱氏夫喪未滿自
行主婚改嫁康付爲妻律應杖一百康付知而爲婚
應答五十是此案應以居夫喪改嫁之朱氏爲首康
付知情婚娶實由於新會王寡婦之媒合則知情媒
合之人較娶主情節爲重自應於爲首之朱氏應得

滿叔上減等定擬若謂媒人之罪不應重於娶主在
於娶主減五等上再為減等設遇娶主律得不坐則
知情之媒人竟至無罪可科且檢查辦過居喪嫁娶
成案內知情之媒人俱係減擬杖九十今該司將斬
曾王寡婦改照知情婚娶之康付罪上減等擬答係
屬錯誤應請毋庸改駁

乾隆五十四年說帖

貧難養贍強嫁
姪媳致婦自盡

北撫題詹人壁強嫁婦居姪媳詹劉氏不從致氏
自縊身死一案

職

等詳核案情詹人壁胞姪詹伯章

病故遺妻劉氏婦守詹人壁曾每月幫給錢文添補

用度嗣因家貧無力資助劉氏時出怨言詹人壁原
難終并勒令改嫁劉氏萌誓不從後劉氏屢向詹人
壁索錢吵鬧詹人壁因貧難養贍立意將劉氏改嫁
捏稱劉氏自願改醮託陳岐鳴媒合覓得娶主孫萬
貴據轎往娶劉氏聞知不肯改嫁在房哭罵詹人壁
氣忿主令孫萬貴用強搶娶孫萬貴允從隨將劉氏
兩手捆縛投入轎內擡至孫萬貴家尚未成婚禮劉
氏不甘失節乘間投縊殞命查劉氏係詹人壁胞姪
之妻服屬大功該省將詹人壁依婦婦自願守志夫

家搶奪強嫁婦婦不甘失節因而自盡功服尊屬擬
流例杖一百流二千五百里娶主孫萬貴知情同搶
照爲從例擬以滿徒陳岐鳴冒昧媒合與被逼之婦
大陳谷友等擬照不應重杖劉氏附請

旌表查移情罪均屬允協似可照覆

嘉慶十五年說帖

強嫁兒女致氏
自盡駁案

安徽司 查例載謀古資財貪圖聘禮搶賣兒妻未
被姦汚婦女不甘失節因而自盡者擬絞監候又婦
婦自願守志夫家搶奪強嫁若婦婦不甘失節因而
自盡不論已未破沙總旌表功發邊遠充軍功服發

嗣財強嫁叔妻
致氏自盡查叔
妾並無尊卑名
分可晉案載強
占良家妻女條
河南省趙幅

極邊充軍各等語此案饒念八因伊兄病故遺妻陳氏情願守志饒念八因嫂曹氏常與鄰婦往來談笑恐招物議令其遷移同居曹氏不允饒念八以伊嫂年輕日後慮有不端聲言將來敗壞門風不如早嫁以免丟臉曹氏聞而爭鬭投鳴族眾處令饒念八服禮饒念八躲避嗣曹氏復往尋鬧饒念八詈其悍潑並言將來定要嫁賣以致曹氏氣忿赴祖祠用刀自割殞命該撫以例無與嫂口角致嫂一閨穢語自盡治罪明文將饒念八依因事與婦女角口婦女一閨

父令子強搶婦
媳嫁賣致婦自
盡父依例擬徒
子照功服卑幼
擬軍例按爲從
減一等擬以滿
徒同搶之人并
知情之妻主俱
徒二年半其媳
請旌嘉慶二十
五年江蘇題張
爲昇案

被語氣忿輕生擬流例加等擬重等因具題臣等詳
核案情曹氏與鄰婦往來說笑係屬常情該犯何以
忽慮及日後恐有不端指斥其將來敗壞門風不如
早嫁已有藉端逼婦之心迨族眾處令服禮該犯避
匿經曹氏復往尋鬧該犯又不好言勸慰反覲面辱
罵並言欲行嫁賣是該犯處心積慮必欲將曹氏嫁
賣更屬顯然若果有謀古資財貪圖聘禮情事致伊
嫂不甘失節自盡應照例擬以絞首卽無謀古貪圖
情事而強姦婦之志逼令改嫁以致自盡該犯係

居喪改嫁山母
主婚酌免離異

曹氏功服卑幼亦應按例科以極邊充軍乃承審官
並未嚴究確情遽將該犯依婦女口角輕生例加等
發附近充軍殊不足以成信讞應令該撫研鞫實情
按例妥擬

嘉慶十五年說帖

江西司 審擬提督咨送楊錦呈控伊弟楊長春身
死不明一案查此案楊錦因胞弟楊長春與妻弟楊
明同赴粵海關跟官場長春旋即病故楊錦痛弟情
切一時心迷總疑伊弟未死赴粵探悉委係因病身
死回京後懷疑莫釋嗣楊長春屍棺到京楊明即邀

居喪改嫁之婦
所得祔葬毋庸
酌決應准收贖
案載嚴妻前夫
之子條

屍兄楊錦屍母鄭氏因棺蓋尚未下釘揭開看明將
屍棺埋葬後楊氏之母唐氏以伊女夫亡無子家貧
難守向楊氏之姑鄭氏商允欲令其改嫁隨將楊氏
接回主婚改嫁與任統信為妻楊錦聞知即以伊弟
身死不明等情呈控該司審將楊氏依夫喪未滿改
嫁係由伊母主婚律得不坐仍離異歸宗係屬照律
辦理惟查該氏居喪改嫁固干離異之條究非身犯
姦淫者可比且事由伊母主婚後夫又不知情若因
此而令三易其夫未免輟轉失節况奪自不知情後

居喪娶妻可以
原情免其斷離

夫之家而歸於主婚改嫁之母家於理亦不爲順查
本部辦理現審有因貧賣妻律干離異仍酌情斷離
後夫完聚者似可仿照辦理將該氏斷給後夫任其
信領回完聚

嘉慶二十一年說帖

貴州司 查律載居父母喪而身自嫁娶者杖一百

離異又違律爲婚各條稱離異改正者雖會赦但得
免罪猶離異改正又例載男女親屬有律應離異之
人揆於法制似爲太重或於名分不甚有礙者聽原
問各衙門臨時斟酌各等語蓋律設大法而例本人

情居喪嫁娶雖律有明禁而鄉曲小民昧於禮法違
律而爲婚姻者亦往往而有若必令照律離異轉致
婦女之名節因此而失故例稱揆於法制似爲太重
或名分不世有礙聽各衙門臨時斟酌於曲順人情
之中仍不失維持禮法之意凡承辦此等案件原可
不拘律文斷令完聚若夫妻本不和諧則此等違律
爲婚既有離異之條自無強令完聚之理所有該司
審辦周四居喪娶周氏爲妻一案目係臨時斟酌於
律例並無不合應請照辦

道光十一年說帖

欲誘婦改嫁
不從過幾氏父

功尊勸令婦
改嫁致令自盡

北撫 咨尤家棟園得媒錢欲將婦楊周氏改嫁
誘令氏父周珍寫給庚帖旋因楊周氏不愿改嫁輒
以控告之言挾制致周珍情急自盡將尤家棟比照
婦人情愿守志如有用強求娶逼受聘財因而致令
自盡例發近邊充軍

道光三年案

直督 題劉高氏因郭高氏家貧婦守志勸令改嫁
致郭高氏抱忿投井身死查郭高氏係劉高氏降服
小功姪女該犯婦僅止勸令改嫁並無搶奪強嫁情
事應照婦婦自願守志母家搶奪強嫁婦婦不甘失

飾因而自盡者功服尊長擬流例量減一等杖一百

徒三年照例收贖郭高氏聲請

旌表
道光四年案

父母因禁嫁娶

夫犯罪監禁
因貧擅自改嫁

東撫 谷孔昭池等聽從逸犯滿大猷強搶任氏嫁
賣一案查律載居夫喪而自嫁者杖一百離異又因
夫棄妻逃亡三年之內不告官司擅自改嫁者杖一
百註云無主婚人不成婚禮者以和姦論各等語至
因夫囚禁擅自改嫁將改嫁之婦作何治罪並無明
文此案任氏因伊夫辛六聽從王于興等販私拒捕
擬徒監禁該氏因貧起意改嫁託李開選等向伊姑
辛劉氏商允復捏稱伊夫犯罪正法伊姑主令改嫁

託李開選等找主說合嫁與戴景明爲妾查該氏起
意改嫁曾向伊姑告知固非背夫在逃亦與居喪嫁
娶有間率六犯罪監禁亦與棄妻逃亡不同惟該氏
擅自改嫁與人爲妾已屬失節之婦且僅止告知伊
姑並非由伊姑主婚按律無主婚人不成婚禮者應
以和姦論卽與犯姦之婦無異該省將該氏依軍民
相姦例擬以枷杖充昭池等聽從逸犯滿大獻強搶
該氏嫁賣均依聚眾夥搶犯姦婦女已成爲從幫搶
例擬以滿流尙屬允協應請照覆

道光六年說帖

刑案匯覽卷七終